

度

支

奏

議

度支奏議目錄

山西司一卷

題覆大同撫臣張宗衡請發臨德本色並措處

宗祿疏

覆議宣鎮完欠民運銀兩疏

題覆大同撫臣張宗衡議減臨德米價疏

題覆大同查祭天啓元二三年民運疏

題覆崇禎元年山西水旱災傷疏

題覆大同撫臣查祭宗祿民運屯糧疏

題覆樂昌王府補給宗祿疏

覆本部右堂條議事例款項疏

題覆宣鎮犯官汪爾信等修工冒破疏

題覆宣鎮被災寬卹疏

覆宣大巡按胡御史清查錢糧虛冒疏

覆晉撫煮粥賑饑薦舉宣勞尚義諸臣疏

覆晉撫因天地自然之利疏

覆山西耿撫臺以晉餉晉疏

酌議戶工事例條定選法規則疏

覆晉撫酌議瘠疲州縣疏

覆浙撫題留事例克織造疏

覆大同張巡撫請那給宗祿疏

度支奏議卷之一

太子少保戶部尚書淄青畢自嚴視草

題覆大同撫臣張宗衡請發臨德本色並措處

宗祿疏

題爲三旬市無顆米闔鎮人不聊生直述迫切困

苦之情懇祈

聖鑒大沛

皇仁速發附近本色米穀二十餘萬石准算京民運
數以救待斃之孑遺以保垂危之重地事山西

清吏司案呈崇禎元年十月三十日奉本部
戶科抄出巡撫大同地方贊理軍務都察院右
僉都御史張宗衡題前事內稱大同兵革之後
更逢凶年陡于八月十九日霜降九月初十日
地震自九月來斗米值錢四百文持錢入市都
無糶者聞山西鎮城積穀頗多不拘何倉求發
十萬石給大同准照時估抵該省民運額數又
臨德二倉請運發十五萬石每石作價六錢將
京運照價扣庫并望

勅諭關内外省直許容通市無堅過糴等因具題

禎元年十月二十七日奉

聖旨大同重鎮軍民饑困深軫朕懷這所請山西倉米十萬石抵作民運及量發臨銀二倉米扣京運買補該部作速看議來說欽此又該宣大總督王象乾會同巡撫張宗衡題爲

天變不可不畏軍餉不可不敷屬夷不可不存宗祿不可不處謹一一冒陳以祈

聖鑒事等因崇禎元年十月二十九日奉

聖旨

天變朕自惕衷該鎮在事諸臣備宜加愍京民二運
請給本色戶部速議設智用奇聯屬卜邵與撫鎮
紹機行宗祿作何湊處該部併議來說欽此又該
大同巡撫張宗衡題同前事等因崇禎元年十
月二十九日奉

聖旨已有旨了該部知道欽此又該直隸巡按葉成
章題同前事等因崇禎元年十一月初五日奉
聖旨已有旨了該部知道欽此欽遵通抄到部送司

案呈到部除

天變作何消弭屬夷作何接應聽禮兵二部議覆外
該臣等看得大同兵革之餘萬竈沉煙哀鴻遍野
已費拊循而隕霜地震相繼爲灾斗米四錢
市肆爲空彼百萬軍民其何以聊生乎宜乎該
撫爲地方請命而思借濟於山西臨德之積貯
也蓋貴本而賤折自邊儲之大計禦災而捍患
實固圉之良謀惟坐失于平時遂貽艱於今日
軍恤民瘼臣敢不與該督撫共切痼疾哉但該

處須量有無而通融亦權難舉山西各倉積
頗多該撫量非揣摩之談且糶粟不越境內且
估價抵算民運是誠權宜允諧非利此而厲彼
山西諸臣諒不肯作秦越之視但道里有遠近
當從其便時佑有低昂當酌其平又在地方各
官斟酌停妥非臣所能盡復也請

勅山西撫臣不拘省會州縣附近大同去處或出
倉廩見貯或行設法買補務足該撫所請穀十
萬石之數酌量時估扣除腳價算抵該省應解

該鎮民運之數亦便計也至如臨德二倉
祖制原設以補漕運之不足而行糧猶其小者也案
查本年七月內宣大先任總督張曉會同宣府
巡撫李養冲題爲虜患天災並湊等事亦欲祈
借臨德倉米緣繇俱奉

旨下臣部因行兩倉查得各倉實在之數德州不過
三萬五千九百一十五石八斗零臨清不過五
萬五千九百一十八石七斗零兼以轉運艱難
未經具覆今津門預計明年新運坐派清倉以

三萬計德倉以三萬九百計則兩倉之所存者亦鮮矣惟是雲中災荒甚重該撫呼籲尤殷修救脩備萬不得已議令兩倉各那米一萬石每石算價一兩共抵京運銀二萬兩臣非不知區區一粒不足供三雲之一飽而計畫固止此耳轉運之難該撫疏中已自任之無煩臣部再爲區處也又如宗祿一項近十九萬自有額設應給錢糧該撫所稱半出山西民運與鹽司半出本鎮歲課者是也今見在正供諉於歲事之不

登則缺額宗祿將借何項以抵補非臣部所宜
代爲持籌者矣據該督撫所稱開山澤創水田
濬河道疏錢法井井石畫諒亦不難湊補者也
若夫該鎮民運本折逋欠累累本色萬餘旣屬
急需所當行催刻期解運者也折色改解本色
恐各地方之不任受但得折色充盈亦可不至
枵腹所當并催者也本年京運臣部陸續解發
已多行當刻期盡數給發亦不煩該撫之過慮
也乃若禁市遏糴此各有司一隅之見在昔羅

主猶羞稱之况堂堂

大朝四海爲家乎第煩

大語一加申飭而該鎮之財貨自通有無不滯矣伏
乞

勅下臣部轉行宣大山西各該督撫一體遵奉施行
崇禎元年十一月十一日具

題本月十五日奉

聖旨是該鎮饑困待拯卽行與山西撫按及臨德二
倉作速遵奉不得遲誤宗祿聽該撫設處憐近省

鎮通市併與申飭行欽此

覆議宜鎮完欠民運銀兩疏

題爲邊地災荒米價騰涌悵外解之不至恐脫
之可虞仰乞

嚴旨行催以弭內患事山西清吏司案呈崇禎元年
十一月初四日奉本部送戶科抄出巡撫宣撫
等處地方贊理軍務兵部右侍郎兼都察院右
僉都御史李養冲題前事內稱自六月至今止
有山東巡撫王從義解過拖欠銀二十四萬七
千餘兩近日以來米價騰貴二運斷絕軍民嗟

無糊口鹽商羣告改折伏乞

勅下戶部將京運速行發完民運分別催解王從善
是否可旌覆疏上

請等因具題十月二十八日奉

聖旨戶部知道欽此欽遵抄出到部送司案呈到部
該臣等看得宣鎮兵荒洊臻本折交匱旣防外
而兼防內憂吾軍以及吾民事事難支日且不
虞借使京民二運遲廻不繼邊臣何所恃以措
手該撫一一籲

天其情誠迫而其憂誠危也夫天下事緩時能急則
急時可緩緩時太緩則急時更急如民運一項
該鎮每年共銀七十八萬四千五百九十五兩
幾三倍於京運往年聽其逋負不行查叅因循
至今疾呼何及臣部於本年十月內始題
准考成此後地方一一奉行民運自有起色而撫臣
王從義急公首倡數月之內以二十四萬至此
邊臣所以深感其纓冠之誼也近奉

明旨申飭

夫語叮嚀屢以查叅民運爲責成其山西河南北
當必聞風而兢勸矣如鹽糧一項穀賤則享本
色之利穀貴則趨折色之便該撫不與改折准
其量納一半是矣然見年本色五斗足抵往年
折色一石使如該撫所慮豐年不肯帶完是不
與以改折之名而與以改折之實也直至時迫
勢感攢眉束手豈僅僅京運不繼貽之哉京運
舊欠臣非不知爲數甚多但當東西交訖太倉
正訖之時委難取償一時尚容臣部陸續奏補

至本年額欠則刻期完解不敢稍爲推諉者也
各省直拖欠民運在各撫臣俱切急公之念自
應多方徵辦同心接濟近據宣府管餉郎中荆
之琦報到民運文冊雖六年完納頗多而七年
逋負不少誠恐時日遷延緩不及事伏乞

勅下臣部一面移文各省直督促起解一面行催各
省鎮督撫照依新題考成例年終舉行庶有司
懍於

功令之森凜民運錢糧輻輳繼至而該鎮之緩急

修賴矣若鹽糧亦悉如該撫議目前量經
俟至豐年帶徵通完諒該撫權宜之中當自有
深長之慮也又山東巡撫王從義解餉獨多宣
鎮軍士賴以果腹題

請加銜以風有位案查崇禎元年九月內該撫題爲
恭報解過宣鎮餉銀以紓

聖懷事內稱不出四月完過宣鎮餉銀二十四萬七
千餘兩又解過太倉等銀二十四萬一千八百
餘兩欲將右布政使王化行紀錄優擢奉

聖旨山東京邊錢糧四月內完解四十八萬九千
皆急公如此何憂國用不充王化行准與紀錄優
擢以示風勵該部知道欽此本年十月內該撫
題舉刺運糧武職官員以資勸懲事內稱六七
兩年漕糧本折輕費俱已全完欲將督糧道
使胡一龍照例加級臣部據以題覆亦奉有
俞旨移咨吏部矣布政糧道俱荷褒嘉至於撫臣尤
司道之表帥而財賦之統宗也詎可獨遺而弗
錄乎該臣等看得山東巡撫都察院右副都御史

史王從義體

國精忠匡時偉略沛萬姓其霖於齊魯催科與保
障兼行裕三軍司命於宣雲

國計共民生攸濟允宜優異但督撫大臣

恩典取自

上裁非臣部所敢擅擬也合候

命下臣部轉行直隸省鎮各該衙門一體遵奉施行
崇禎元年十一月二十九日具

題十二月初三日奉

聖旨這宣鎮民運該省直上緊解納拖欠的年終
京運考成鹽糧量納一半俟豐年帶徵通完王從
義急公可嘉着與加銜以示風勸該部知道欽此

題覆大同撫臣張宗衡議減臨德米價疏
題爲發倉已戴

弘恩折價似多浮數再懇

聖明勅部仍照六錢開算以終義舉以保危邊事由
西清吏司案呈崇禎元年十二月十一日奉奉
部送戶科抄出巡撫大同地方贊理軍務都察
院右僉都御史張宗衡題前事內稱大同地方
兵荒金至虜患之後繼以霜災五穀不登軍民
艱食具疏

請發臨德二倉米十五萬石每石作價六錢
運及接戶部移咨僅僅許發二萬石每石算
一兩臣反覆部檄茫然如失查得漕運倉斛
之大同市斗每米一石止有五斗四升若每
算銀一兩則五斗有餘之米卽扣一兩之價
地相去千五百里腳價之費般運之艱每石
下五錢總計一兩五錢而得一石大同諸軍
月餉止七錢如給倉斛一石扣其兩月之
口不敷求增反減窮邊苦軍其何以堪

錢算之加以路費五錢此孰非軍士之物力其
計一兩一錢而得一石是諸軍月半而得一石
也臨清德州一遇秋成每石止六七錢正不敷
多多如許扣垂斃之涓滴以恣異日之破胃乞
勅戶部仍照臣原請六錢之數於去年迭欠餉內除
扣等因崇禎元年十二月初九日奉

聖旨大同重鎮虜患之後繼以災荒委屬可憫這折
價還酌量議減昭朕軫念之意他鎮不得援例該
部知道欽此欽遵抄出到部送司案呈到部該部

等看得大同兵荒迭遇本折交窮委曲修救
難局於常格該撫前請臨德倉米想望移粟之
惠而臣部隨於兩倉見在數萬中那二萬以應
之臣亦知該鎮存乎見少但勢不能傾儲以授
耳至於曲擬每石一兩之價原照津門海運召
買之價且亦就該撫所請疏中斗米四錢量酌
其平而定之計臨德斛斗二石折大同市斗一
石有餘大同時價二錢臣部算價一錢亦未敢
較鎔鍊而忘大計乃該撫恐京運扣其二萬之

數饑軍苦其算價之昂又併腳價搬運之費每
浮二萬之外則臣部前估所未及也今既復舊
每石六錢之請已蒙

聖明軫念窮邊特與酌量議減則米價少算一分軍
餉卽少扣一分蓋揆以

皇仁之雨露時值饑饉卽賑貸亦所不憚臣部又何
必與該撫逆計豐凶預較貴賤爲他年倉庾買
補地不爲目前封疆接濟地哉伏乞

勅下臣部卽照該撫所請六錢之數於本年京運內

除扣度昭

皇上霑漑雲朔之闔澤而亦遂該撫軫卹地方之

心矣

崇禎元年十二月十八日具

題本月二十三日奉

聖旨是欽此

題覆大同查叅天啓元二三年民運疏

題爲申飭見行切要事例以肅法紀以仰禪

國計事山西清吏司案呈奉本部送戶科抄出巡撫大同地方贊理軍務都察院右僉都御史張宗衡題前事內開本鎮見該挨叅天啓元年起至天啓三年止民糧臣謹照雲鎮州縣夏稅秋糧係充宗祿馬草脚價係供軍餉皆邊鎮經常額賦例應挨年查叅惟是地方磽确不同催徵年分不一以故候齊年分勢必待於三年再以

造冊行查與夫撫按候

命懸缺此所以隔於七年之後比及查叅則經催各
官率皆事故陞遷祇成虛套人心無繇振懾者
此也臣等受事之初簡查往牘嚴行該道查三
年之完欠併行叅題庶可少警其積習乎再照
各官有經營二年者有一年者併爲議懲有例
可按至如未完錢糧雖近經蠲免而查叅之法
終難廢格謹遵例舉行總在計部酌議非臣等
所敢與也伏乞

勅下戶部再加議擬合無將知州等官王肇基等府
官陳元卿等監司余自強等悉從寬免知州李
宣猷等照例議行臣等及各該見任地方服闋
補官罰治庶法紀嚴而人心惕邊鎮祿餉有裨
矣等因崇禎二年正月初一日奉

聖旨戶部知道欽此又該巡按直隸監察御史葉成
章題同前事崇禎二年正月二十四日奉

聖旨戶部知道欽此欽遵通抄到部送司案呈到部
該臣等看得軍需旁午帑藏罄懸所恃省直司

府州縣徵解如期少佐邊需無奈拖欠數多

成績習先該臣部題

請申飭民運考成之法就欠數之多寡定催科之限
最仍議以隔年冬季終查叅業經奉有

明旨著之功令矣崇禎元年十月內又該臣部題奉
明旨將省直錢糧自天啓元年起至三年止已行蠲
免其四五兩年暫行停徵至於叅罰各官准與
開復已蒙

俞允遵行在卷今撫臣張宗衡將天啓元年起至三

年止所屬拖欠各官遵例查叅是固該撫統馭一方職應綜覈但查所叅係在蠲免三年之內夫叅罰者俱准開復而未叅罰者復按例叅治似有悖於

所旨况該撫疏稱隔於七年之後各官俱經陞遷物故是卽照例叅處亦無益於考成矣嗣後除四五兩年停徵外六七兩年分俱在查叅之期據各糧儲冊開拖欠纍纍其全完者十無一二與其追論於既往無如振刷於及時所當

奏請撫查題

准民運考成之例亟爲舉行者也伏乞

勅下臣部移文該撫將知州等官王肇基李宜猷等
旣係蠲免三年之內相應一併免議速行各屬
查造四五六七等年民運完欠該撫徑行題本
臣部照例覆處庶

浩蕩之弘恩普及無外而查叅之鉅典不致廢弛

貞二年二月初七日具

題本月十一日奉

聖旨這查叅民糧遲至七年何以考成懲勸王肇
等旣係蠲免年分准免議其天啓四五六七年
欠各官着卽立限嚴查題叅不得再遲欽此

題覆崇禎元年山西水旱災傷疏

題爲恭報水旱災傷事山西清吏司案呈奉本部
送戶科抄出提督鴈門等關兼巡撫山西地方
都察院右副都御史耿如杞題前事內開簿查
節據沁水隰州蒲縣等州縣各申報重大災傷
等緣繇又據前項州縣民人王一科等告爲極
苦災傷事俱經批行布政司分投委官查勘去
後今據前因該臣看得今歲四五月久旱不
雨平陽汾州先得微雨至秋大旱太原及三

至秋乃雨霜降又早種未布地及苗而旱
而不實處處皆然其瀕汾河及渾沱等州縣
以秋水時至橫被湮沒見今米價騰踊流亡
眼此漢文帝蠲租汲黯發倉之日也謹裁省
切交際併將公費贖銀糴穀煮粥以糊貧民之
口而

藩王及各司道以下亦各捐祿捐俸振災救饑
錢糧催比委不能如期完納伏望

勅下戶部暫緩催科無繩有司太急使有司繩百姓

太急萬望

聖明矜察施行等因崇禎元年十二月二十一日奉
聖旨戶部知道欽此又該巡按山西監察御史祝從
題爲查勘災傷事內稱山西地方米價騰踊流
亡載道救荒無策臣三復思維惟有如撫臣之
議共相裁費捐贖與夫

藩王并司道以下興義捐賑糴穀煮粥以糊饑口
祈

勅下部將應徵錢糧分別災傷處行令有司暫緩催

科議擬覆

請行臣遵奉施行等因崇禎二年正月三十日奉

聖旨戶部知道欽此欽遵通抄到部送司案呈到部

該臣等看得山西一省地居山僻土瘠地乾易

至亢暘故旱魃爲祟無歲無之第未有水旱類

仍在在見告如崇禎元年之甚者也今該撫據

疏開太汾平等州縣重則被災九分以上輕亦

不下四五分以上彼中顛沛流離之狀真有不

忍聞且見者查照舊例民田則按分數而免在

留不及起運屯田則本三斗而折七斗每斗
分拯救之策具載故牘誠萬不容緩矣此外
餉告訕之秋

內帑稱匱之日請蠲請賑勢所難言如該撫按所
議協同

藩王司道而下裁不急之冗費捐自有之俸贖於
以糴穀煮粥亦可少起饑民之色至於錢糧催
科一切惟正之供自不可已但念歲饑民困春
月空囊當此青黃不接之時大非敲朴追呼之

會第第小民委難措處似當將新舊錢糧春
夏初暫行停緩三月俟至麥秋方議徵收頗聞
秦晉一帶客歲雖云無年俱已種麥如法轉盼
朱明屆期來牟可望於皇此後接連秋成一歲
田租自可全完當不憂逋負也總在該撫按及
各司府州縣官仰體

聖明宵旰之衷俯察小民災傷之苦委曲撫循務使
上不病

國下可救民庶三晉垂斃之子遺俱普霑

皇仁之雨露耳伏乞

勅下臣部移文該撫按遵奉施行

崇禎二年二月十七日具

題本月二十日奉

聖旨該省災荒地方官設法賑濟民自霑惠蠲折存
留錢糧併暫緩開徵依議行欽此

題覆大同撫按查叅宗祿民運屯運疏

題爲窮邊宗祿匱乏彼此推誤事勢衡決懇乞

聖明篤念親親嚴入考成以一法守以垂永久事由

西清吏司案呈崇禎二年三月初八日奉本部

送戶科抄出大同巡撫張宗衡題前事會同巡

按御史葉成章查叅大同鎮天啓二年分拖欠

宗祿平陽府署印丁憂同知關名教等罰治緣

繇本年三月初四日奉

聖旨戶部知道欽此崇禎二年三月十一日又奉本

部送戶科抄出大同巡撫張宗衡題爲窮邊
祿匱乏等事會同巡按御史葉成章查叅大同
鎮天啓三年分拖欠宗祿稷山縣管糧陞任縣
丞張嘉魁等罰治緣繇本年三月初五日奉
聖旨戶部知道欽此崇禎二年三月十五日又奉本
部送戶科抄出大同巡撫張宗衡題爲邊鎮告
急日甚外解虧缺滋多

內帑空乏終非久計邊政經理宜求長策懇乞

聖明勅諭督撫諸臣共軫

國計求濟時艱以重兵食以杜亂萌事會同宣大
總督王象乾查叅天啓二年大同鎮拖欠民
運平陽府署印丁憂同知關各教等罰治緣繇
本年三月初九日奉

聖旨戶部知道欽此同日又奉本部送戶科抄出大
同巡撫張宗衡題爲邊鎮告急日甚等事會同
宣大總督王象乾查叅天啓三年分大同鎮拖
欠民運汾西縣陞任知縣李本植等罰治緣繇
本年三月初十日奉

聖旨戶部知道欽此同日又奉本部送戶科抄出
同巡撫張宗衡題爲邊鎮告急日甚等事會同
宣大總督王象乾查叅河南布政司所屬府州
縣拖欠大同鎮天啓四五年分拖欠民運宜陽
縣陞任知縣王廷議等六年拖欠民運宜陽縣
調任知縣包虞廷各罰治緣繇本年三月初十
日奉

聖旨戶部知道欽此崇禎二年三月二十七日又奉
本部送戶科抄出大同巡撫張宗衡題爲欽奉

勅諭事會同巡按御史葉成章查叅天啓四年分
同鎮拖欠屯糧安東中屯衛經作調任掌印兼
管屯指揮同知楊芳等罰治緣繇本年三月三
十二日奉

聖旨戶部知道欽此崇禎二年三月二十九日又奉
本部送戶科抄出巡按直隸監察御史葉成章
題爲欽奉

勅諭事會同大同巡撫張宗衡查叅天啓四年分大
同鎮拖欠屯糧管屯指揮同知楊芳等罰治緣

錄本年三月二十五日奉

聖旨戶部知道欽此欽遵通抄到部送司案呈到部
該臣等看得宗祿乃

天潢額需軍餉係邊戍命脉俱仰給於民屯二運固
不容以錯紕逋負時刻遲緩乃邇來法久玩愒
經催各官怠忽相仍拖延日甚是以臣部屢經
申飭題入考成今撫臣張宗衡按臣葉成章遵
例將天啓二三兩年分拖欠宗祿各官併二三
四五六年分拖欠民運各官及天啓四年分拖

欠屯糧各官會疏查叅前來所當照例覆

請如議罰治但查崇禎元年十月內該臣部題奉

明旨自元年起至三年止一應錢糧悉行蠲免四五
兩年暫行停徵業蒙

俞允遵行在卷本年三月初九日又奉

恩詔將四五兩年併行蠲免訖則各年經徵平陽府

同知等官關名教等似當免其罰治以廣

皇仁至於六年在查叅之期當照該撫原疏將宜陽
調任南陽知縣包廣廷經催未完三分以上例

應降俸二級戴罪督催但查宜陽縣係屬河東
府而該府天啓六年分額該徵解大同鎮銀共
九千三百二十二兩八錢九分九釐零業於天
啓六年十月三十日解過銀二千七百一十八
兩四錢九分一釐零天啓七年八月十八日解
過銀三千一百四十九兩一錢九分六釐零天
啓七年十一月二十七日解過銀二千三十八
兩七錢九分零崇禎元年五月初十日解過銀
五百兩元年十一月十五日解過銀五百八十

六兩四錢六分九釐崇禎二年二月二十二日
解過銀三百二十九兩九錢五分零以上通共
解過銀九千三百二十二兩八錢九分九釐零
則該府額解之銀業已通完而該撫查叅之時
因銀未解到故將本官題入未完今臣部據有
河南撫臣報照內開通經完解是本官既無通
負似應一併免議其衛輝府見解銀六百二十
六兩八錢九分合應督催該府作速起解該鎮
以濟軍需再照宗祿民屯臣部原議以每隔歲

年終卽行查叅今該鎮將二三等年之拖欠
今始行題叅相距已逾六載無論奉

旨蠲免自應免議卽按例議罰而經催各官率皆事
故陞遷亦奚裨於考成伏乞

勅行該撫查照臣部原行務照京邊例隔年叅覈不
得仍前遲緩以滋拖欠之弊庶積玩之心知
所儆惕而宗祿軍需未必無小補也伏候

命下臣部移文該撫按遵奉施行

崇禎二年四月十七日具

題本月二十一日奉

聖旨以後宗祿民屯錢糧着該撫按照京邊例隔
年查叅毋得逾期以滋積逋還通行申飭欽此

題覆樂昌王府補給宗祿疏

題爲邊鎮大災本枝偏苦比例懇

恩照蘇事山西清吏司案呈崇禎二年正月十八日
奉本部送戶科抄出

樂昌王鴈鈐奏稱臣

分封代邸僻處朔荒食祿將軍中尉并郡縣君凡
五十人歲費祿米折色銀六千餘兩據臣府宗
室廷塞等連名告急啼饑號寒庶民遭荒或可
就食於他邦宗室有禁出入不能自專止有待

斃於封城故我

太祖高皇帝設有河東運司存留鹽課內預備

代藩兩王府補祿折鈔銀八萬兩鎮宗蒙題准給
朔宗終歲未得分文伏乞

勅下戶部遵照鎮宗事例量動山西鹽課銀兩補給
朔宗均需

恩澤矣等因崇禎二年正月初十日奉

聖旨該部酌議具奏欽此欽遵抄出到部送司查得
樂昌王所奏河東補祿折鈔銀八萬兩謂鎮宗歲

支不缺欲援鎮宗之例以請及查河東運司每年行鹽四十二萬引歲徵課銀一十二萬四千九百三十二兩一錢內以二萬八千七百七十八兩五錢六分解宜鎮以四萬三千一百一十六兩八錢解大同以五萬三千三十六兩七錢四分解山西此係每年徵解之數並無八萬兩預備

代濟之宗祿樂昌之奏不知何所據而云然况郡王宗祿自有定額派于何項應有定藉今該

王奏

請奉

旨酌議具奏但鹽課銀兩未經查明難以具覆合行
藩司查明具覆等因呈堂蒙批照行奉此隨經
行查去後今據山西布政司回稱

樂昌王府本折祿銀俱有額設倉口與鹽課無涉
卷查隆慶四年七月內山西撫院題將鹽課一
萬兩解省聽

代晉藩三府宗祿不敷之用至萬曆十一年七月

內禮科都給事中萬象春因懷仁靈丘宗多
少將鹽課補祿銀一萬兩內撥給懷仁一千七
百八十五兩靈丘一千二百五十兩徑赴運司
開支作爲正祿外遺六千九百六十五兩解布
政司聽各

王府欠祿赴撫院告批布政司酌量撥給近年王糧
匱乏告補者多蒙撫院批允

藩府樂昌慶成永慶永和

代府懷仁七府應支銀四萬九千三百餘兩候領

無銀隨收隨放並無存貯等因到部送司案據
到部看得

國家設祿以養宗親原有額定倉口後緣

天潢繁衍贍祿不繼至隆慶四年該撫題留運司鹽
課銀一萬兩貯之藩司以補

代晉藩三府缺祿至萬曆十一年科臣又將此一
萬之內題給懷仁靈丘三千餘兩矣所存者止
六千餘兩耳此六千兩者係補祿非正祿也今
據藩司所稱各藩批補待領者至四萬九千有

奇而樂昌更請給于此是必不能也惟是臺臣
李炳憫宗祿之難繼議將兩淮新鹽引內取給
二萬兩以補

代藩宗祿之缺臣已經具題行文兩淮酌議矣似
應聽候彼處查議前來此項銀兩果有著落卽
坐派三千兩以濟朔宗不足之需以隆

皇上親親之仁似爲便計既經具題前來相應覆
請恭候

命下臣部移咨山西大同撫院及照會山西布政司

將

樂昌王府原派正祿倉口貢令州縣設法完解不得拖欠其坐派兩淮銀兩俟查回有據移文運司每年徵解藩司照數撥發三千兩抵給

樂昌宗祿施行

崇禎二年閏四月二十一日具

題本月二十五日奉

聖旨這樂昌王府宗祿原派州縣着該撫行布政司催解補祿鹽課銀仍於河東運司酌議行欽此

覆本部右堂條議事例款項疏

題爲事例歸還臣部欽承

天語傳宣懇乞

勅議畫一之規則督理之專官以便開納以塞弊孔
以重

國用事山西清吏司案呈奉本部送戶科抄出總
理事例本部右侍郎李成名題前事等因崇禎
二年二月十九日奉

聖旨奏內各款係本部職掌的竟自嚴禁有關選法

的還會同吏部覆奏該衙門知道欽此
到部送司奉此隨經咨會吏部去後今准該部
回稱查得新刪事例六款有裨

國計有益選法稍爲通融嚴爲禁革斟酌極當永
爲畫一更無拘泥舛錯也煩照

明旨內事理徑覆施行等因咨覆到部送司奉此案
呈到部該臣等看得事例一項惟緣邊餉倥傯
中外皆匱奉

旨開納少助涓埃爲一時權宜計耳至於鄭重名器

隄防弊端尤臣等所用隕越氷兢者是以總理
事例侍郎李成名職掌攸關折衷當可既求廉
以裕

國儲又思慎以清仕路就中拈出一二未盡者備
載原疏伏蒙

俞旨令臣等會同吏部覆奏今准該部移咨前來
部經覆除各官子弟減免臣部已行嚴禁及監
生遞加全歷恐援例者多不入監致

國學虛無人已經祭酒孔貞運題停外所有四款

相應覆

請恭候

命下臣部通行申飭施行

計開

一事例中入貲之厚無過

兩殿中書然其途稍隘有願就而拘於例者今

貢監儒已加京外職銜願改中書原納之

銀准與通算已選已任者照考定例徑

者照徑題試職准差之例其恩歲貢未

考定者納例反多於監生與例監何以別乎今亦照考定用示優異

前件該臣等看得中書清秩例用厚貲然其途不廣則輸納有限惟開改納通算之例凡貢監儒士已未選者皆得援加招徠之路益闊矣至於未考之恩貢歲貢悉比照考定例尤所以優正途分資格也伏候

聖裁

一運判抗禮方面體統頗優今有監生通判
百兩之例是貲郎可得也名器不太濫乎
查長史通判等官已禁例監運判亦當停
止止留貢生一途

前件該臣等看得運判秩視郡倅無異而
分地爲司其所職掌較之曳裾維藩者
隆重不啻過之故禁納長史通判而猶
開運判一例非體也合依止留貢生一
途其餘監儒槩止伏候

聖裁

一起復各官願免除本職改加別職者其銀數較少而候選官亦欲妄援易生趨避合宜將起復各款與減銀之例併爲停止
留願加見缺及徑選等例庶爲畫一

前件該臣等看得各官起復除補從優所
以示恤也至於以貲入改加者亦爲禪
除之故槩有減免隨令候選官妄援趨
避亦幾濫觴矣起復減銀諸款合行俱

罷伏候

聖裁

一原定款項有一官而納銀之數多少參差
自宜從其多者惟恩歲貢生監滿未經考
定願加京外職銜例內副理問稍欠斟酌
今改定四百兩其五十兩裁去爲宜

前件該臣等看得援納諸款原爲生財計
自宜從其多入者至於恩歲貢生納副
理問一條定於四百五十兩伏查理問

冷局也而副又無所事事比照各項殊
覺獨多合刪去五十兩庶幾畫一伏候

聖裁

崇禎二年六月十六日具

題七月初一日奉

聖旨是其監儒運判先經加納及繇通判題准改銜
者仍與序選吏部知道欽此

題覆宣鎮犯官汪爾信等修工冒破疏

題爲邊牆之工未竣冒破之議繁興祈

賜清查以稽實效以奠危疆事山西清吏司案呈崇
禎二年五月二十五日奉本部送戶科抄出巡
撫宣府等處地方贊理軍務都察院右僉都御
史郭之琮題稱據山西等處布按二司守巡以
北懷隆兵備道副使項夢原李樹初調用右叅
議白聯芳呈問犯人汪爾信等招繇到臣該臣
會同巡按御史葉成章看得牆工一事原議工

料銀一十二萬二千五百六十兩有奇屢經
鎮府廳州縣丈勘極明具詳於內減駁夫價數
至一萬五千六百餘兩又不爲不多矣除抵未
領之數外尚該銀二千一百七十四兩三錢零
因估計欠實議免補給情法適平無容別議惟
是葛九成藉弟葛九思爲內監之冰山或指造
廟或以葢房或以壽儀而濫受諸賊至三千兩
何其藐法一至此乎汪爾信倚恃監臨受饋送
至一千五百孟宗洙宋傑或巧逢迎而妄行條

議或歛饋儀而阿諛上官按律擬徒俱無枉縱
吳國忠李陽春等或侵價而少修牆工或督工
而糜費邊儲分別徒杖於法允宜旣經各道審
勘明確會呈前來相應題

請伏乞

勅下戶兵二部再加查議上

請行臣等發落施行等因崇禎二年五月二十日奉
聖旨該部知道欽此又奉本部送戶科抄出巡按直
隸監察御史堉成章會同宣府巡撫郭之琮題

同前事等因崇禎二年五月二十日奉

聖旨該部知道欽此欽遵通抄到部送司奉此除將
紙贖銀共四千七百八十二兩陸錢二分一厘
五毫五絲照數存留本處萬億庫抵充軍餉外
案呈到部該臣等案查天啓七年十二月內該
宣府巡撫李養冲題同前事等因奉

聖旨該部知道欽此欽遵隨該臣部題稱爲照宣鎮
爲西北要衝諸虜窺伺庫積金錢以備不虞迺
逆璫魏忠賢分差內使葛九思等各據要鎮以

攬兵權一時射利之徒垂涎庫金卽借邊工
事羶附爪分邊工未竣已飽武弁幕官之腹矣
叅將汪爾信首創禍端通判馬顯祖經歷宋傑
等守備祁燧千總李本等分投競逐泥沙庫金
俾數十年來積儲以濟邊需者一旦侵蝕於諸
姦之手繩之以三尺其亦何說之辭獨是姦道
固宜罪矣而諸弁與衆經歷亦當按得銀之數
以定其辜冒破固宜辨矣而估計之人亦當詳
核情弊以決其案等因覆奉

欽依備咨去後今據該撫按會勘題

請前來再四駁覈斟酌情律業經再鞫無網外之神
奸一槩盡擬有必申之

國法使衆諭邊儲不可以垂涎用戒覆車於既往
俾人知逆焰祇足以煤禍大形焚象於將來庶
儆羣貪兼懲黨邪相應覆

請恭候

命下臣部移咨該撫并咨都察院轉行巡按御史將
犯人汪爾信等照依原招擬罪發落追贓充餉

施行

崇禎二年六月二十日具

題本月二十三日奉

聖旨是欽此

題覆宣鎮被災寬卹疏

題爲遵例

奏報地方災傷懇乞

聖明俯賜勘議以安重鎮民生事山西清吏司案呈
奉本部送戶科抄出宣府巡撫李養冲題報崇
禎元年宣鎮被災地方應蠲應賑事宜咨行都
察院速行巡按御史覆勘明實具

奏亟賜酌覆緣繇崇禎元年十一月十八日奉

聖旨戶部知道欽此欽遵抄出到部送司奉此旣經

該巡撫

奏報相應移咨都察院轉行彼處巡按御史查實
災傷輕重分數速行具

奏以便酌覆等因移咨去後崇禎二年九月二十
九日又奉本部送戶科抄出直隸巡按御史葉
成章題稱行據山西布按二司守巡口北懷隆
兵備道副使項夢原等呈行據宣府在城同知
馮一鴻會同各同知通判塗應選余文龍陳本
鎔等呈詳各道會看得本鎮額該本色糧一十

二萬九千有奇折色銀二萬四百一十餘兩每
年徵解倉庫專供軍需支用惟是去歲春夏亢
旱秋霜早降田苗盡爲枯槁顆粒無成民餘逃
遁各官兩次查勘已確除應徵糧銀前已開明
外惟是例應蠲免本色糧七萬二千三百七十
一石八斗零折色銀一萬一千七百三十七兩
八錢二分零但蠲一分必缺軍儲一分之用屢
經駁查各庫委無堪抵之銀再三籌畫無計可
施合無以三年爲限作爲帶徵自崇禎二年

至四年止內二年三年每年帶徵本色糧
一千七百一十二石三斗二升五合零計二年
共該糧四萬三千四百二十二石六斗五升零
每年帶徵折色銀三千五百二十一兩三錢四
分七釐零計二年共該銀七千四十二兩六錢
九分四釐零至四年則帶徵本色糧二萬八千
九百四十八石四斗三升四合折色銀四千六
百九十五兩一錢三分零照數追完不獨少
民困抑且無虧軍需矣等因造冊呈報到

得宜鎮巖塞地土砂磧耒耜難施卽雨暘時
每歲所入猶不足以償額賦而資俯仰況去歲
虜患之後民不安生天復降災夏旱秋霜禾枯
稼折人旣失望強半流離烟爨幾絕臣巡歷所
至目擊蕭條隨會撫臣檄行各官搜查官銀責
令同知通判量買粟米各設粥廠煮粥驗口給
食以昭我

皇上軫念災黎賑恤德意外所據各官覆勘過被災
地畝分數本折錢糧例應蠲免者查無處補糧

作帶徵而本年應徵者仍聽各道督催保完
乞

勅下戶部覆議上

請施行等因崇禎二年六月二十六日奉

聖旨該部覆議具奏欽此欽遵抄出到部送司奉此
案呈到部該臣等看得客歲宜鎮旣苦師旅又
因災傷按臣分委查勘得之目擊者最真惟是
恤災之法無如蠲賦而本折兩項俱係軍儲
未可易言也不得已而姑爲帶徵且分以年限

留子遺少寬之物力辦衝邊必需之錢糧益於
用一緩二之中寓起瘠撫傷之意耳臣部覆酌
已確無容異議合如被臣所請以三年爲限作
爲帶徵自崇禎二年起至四年止內二年三年
每年帶徵本色糧二萬一千七百一十二石三
斗二升五合零計二年共該糧四萬三千四百
二十二石六斗五升零每年帶徵折色銀三千
五百二十一兩三錢四分七釐零計二年共該
銀七千四十二兩六錢九分四釐零至四年則

該帶徵本色糧二萬八千九百四十八石四斗
三升四合折色銀四千六百九十五兩一錢三
分零務期通完仍載入該道廳考成項下其本
年應徵者勒令各道督催并完庶邊儲民生兩
有攸賴矣伏惟

聖明俯賜裁酌施行

崇禎二年七月十二日具

題本月十五日奉

聖旨這該鎮災地額賦准分年帶徵以示寬卹仍着

該道廳依限催完不虧邊儲還載入考成行欽此

覆宜大巡按胡御史清查錢糧虛冒疏

題爲諸臣各煥新猷地方猶留夙弊謹就巡宜之
聞見勒畫一之成規以杜姦欺以裨軍

國事山西清吏司案呈奉本部送戶科抄出巡按
直隸監察御史胡良機題前事內稱宣大兵馬
錢糧虛冒甚多張家口市賞貨物皆諸奸利數
客兵召買債帥分領不如期完結擬令路廳收
貯俱如懷隆一道備細查盤撫賞召買各道將
經手糧廳職名完欠數目于每歲正月造冊送

該院分別舉劾乞

勅下臣部及兵部遵照舉行等因具題崇禎三年正月初四日奉

聖旨這飭邊釐弊條奏甚晰各路查盤錢糧及道將糧廳舉劾依議覆行撫賞置買貨物擇委嚴嚴有不遵的叅來竟處該部知道欽此欽遵抄出到部送司案呈到部除道將舉劾聽該部議覆外該部等看得餉司職典出納固無激揚搏擊之權監廳經手支銷易生虛冒侵欺之弊匪藉霜威

鉄面孰爲明眼剛腸茲宜大按臣胡良機得于
巡歷之餘目擊心傷諸所條議鑿鑿有據自余
宜鎮餉司及各路廳庫收放軍餉撫賞本折主
客錢糧宜如臺臣所請每歲正月冊報該院委
官查盤務求徹底清楚俾逃亡事故者不得捏
報冒支開銷軍餉至于置買撫賞各邊視爲奇
貨候缺經歷徃徃托情營妄銀一入手任意開
銷祇以濫惡之物塞責侵公帑而生戎心所關
利害匪細亟宜慎擇現任廉幹官員開具職名

報院差委諸凡候缺名目不許夤緣復用若夫
道鎮召買本色錢糧例應現銀交易應手輒完
直以情面曲徇窟穴百出遂致曠費居諸一聽
侵欺拖欠亦宜如臺臣議凡領銀上糧完欠數
目俱造入巡方考察冊內依期追比分別勸懲
庶法紀嚴而人心悚惕稽覈密而錢糧清楚矣
伏乞

勅下臣部咨行都察院轉行彼處巡按御史遵照施
行

崇禎三年正月二十九日具

題二月初二日奉

聖旨餉司錢糧聽巡按清查及撫賞召買一革沿
已有旨了着嚴飭行欽此

覆晉撫煮粥賑饑薦舉宜勞尚義諸臣疏

題爲煮粥賑饑安民弭盜效有成蹟循例薦舉宜
勞尚義諸臣以風吏治事山西清吏司案呈奉
本部送戶科抄出提督鴈門等關兼巡撫山西
地方都察院右副都御史耿如杞題前事內稱
山西去年大荒民窮盜起兼之陝西流盜猖獗
千百爲羣渡河而東臣不勝大懼乃會同按鹽
二臣將各詳允贖穀動支又將紙贖銀自十二
月起至今年閏四月終止俱免取用仍率司道

以下各官量捐俸贖糴穀煮粥又令各印官
時親查粥廠務使貧民均霑實惠等因牌行布
政司通行去後今據該司呈報共動過備賑倉
米穀二萬二千三百二十八石六斗七升零銀
三千三百七十八兩四錢七分零臣衙門贖米
穀九千一十九石一斗五升零贖銀三百三十
一兩五錢三分零按臣衙門贖穀三千二石五
斗九升零贖銀一千四十六兩鹽臣衙門贖米
穀一百三十五石贖銀一千五百八十一兩七

錢六分連司道以下捐助及勸輸米穀麥豆
萬三千四百七十五石六斗零銀一萬六千四
百七十一兩五錢五分零通共米穀麥豆五萬
七千九百六十一石一升零銀二萬二千八百
九兩三錢一分零銅錢九萬一千四百四十八
文炭一百一十九車零一萬二千五百斤柴七
十八駄零三石又五萬八千四百九十五斤又
一十二車內助早者散賑訖助遲者收貯備賑
共賑濟過饑民貧宗貧生貧并寡婦等共計三

十五萬七千八百餘名口臣據此謹會同巡撫
山西監察御史祝徽議照晉中去歲荒旱斗米
價至三四百緡貧民初猶剝樹皮掘草根以食
後乃至取石爲麵作餅充腸旋食旋死有鄭俠
沉民圖所未及載者老弱奄奄待斃壯者洶洶
思逞晉之不爲秦者亦岌岌乎殆矣幸

藩府各宗賢士大夫好義之民傾儲倒廩司道之
屬約口裁腹活彼餓人溝壑漸有起色安可謂
非賑救力而宜勞尚義諸臣臣等安敢泯滅不

以聞於

聖上之前伏乞

勅下戶部查照議覆等因崇禎二年七月二十七日
奉

聖旨戶部知道欽此又該巡按山西監察御史祝徵
題同前事等因奉

聖旨戶部知道欽此又該山西巡撫耿如紀題爲
藩王宗室輸助救荒遵例旌獎以彰義舉事內稱
親郡藩宗樂施好善除輸粟不及例者如

寧化王敏濟等以下當卽行獎給詔書

晉王求桂捐金數至二百全活災黎多命風高

晉聲振一時臣等遵例置扁致謝伏乞

勅下戶部查照等因奉

聖旨戶部知道欽此又該山西巡按祝徽題同前奉
奉

聖旨戶部知道欽此又該山西巡撫耿如杞題爲
例薦舉輸助救荒司道官員事內稱山右存
民不聊生所以分理而拯救之者固有同事

查災議賑則司道與有力焉謹據實爲我
皇上陳之山西布政司左布政使唐嗣美右布政使
遜分守冀南道王國相分巡冀南道王所用參
守河東道張法孔寧武兵備道周光燮提學道
楊作楫糧儲屯田道苗進忠山西都司掌印
震采都司僉書李魁春以上諸臣以

聖主之心爲心以窮民之急爲急救焚拯溺其分任
督理極力清查俾民無不霑之惠所
照例
揚以示激勸等因奉

聖旨戶部知道欽此又該山西巡撫耿如杞題爲士
奉

聖旨戶部知道欽此又該山西巡撫耿如杞題爲士
民助賑遵例乞

賜旌表以勵世風事內稱山西荒旱拯救無策所
各鄉紳士民慷慨好義均應表揚以示優異
州品級散官史光前芮城縣生員任紹統孟縣
義民李孟龍隰州義民郭增才垣曲縣義民
拔萃芮城縣義民范九恩輸數最多在李孟龍

郭增才高拔萃范九恩例應請

賜冠帶給扁在史光前兩遇凶年輸粟千一百石業

經題 請奉

旨建坊給七品散官矣今又輸粟六百石若不

請給典其何以彰義舉而風寓內耶生員任紹統
當米貴如珠之時乃傾私囊以佐

公家與其獎以空言曷若儲爲實用查得新例監

生願授 武英殿中書舍人者納銀一千五百

兩光前三次輸粟一千七百石時值一千七百

兩殊與此例相符又查生員入監預納外府經歷銀二百六十兩紹統輸粟五百二十石零時值銀五百二十兩餘正符以生員納監繇監而預納外府經歷之例合無將史光前准給中書舍人挨次効用或因其原非實監准給遥授空銜任紹統准實納外府經歷亦所以鼓舞人心之一端也等因奉

聖旨戶部知道欽此又該山西巡按祝徽題同前事奉

聖旨戶部知道欽此欽遵通抄到部送司奉此案呈
到部該臣等看得救災捍患謂之有功德于地
方彰善詔微惟有鈔鼓舞以名器頃者三晉告
饑一方鮮食賴賑恤之得法獲全境之又安彼
長民而求芻牧猶當以盡職褒嘉矧倡義而施
捐輸豈可無破格獎勞

晉王求桂捐助獨多以

藩封之尊而軫念閭閻割守府之藏而全活饑饉
勤施豈可以川澤量耶所當

特賜欽獎以彰東平河間之義也至于

邵王將軍中尉而下捐助雖有次第而慕義均應
表錄載在原疏可覆視也所當統示旌揚以爲
价人大宗之勸也其布政等官唐嗣美呂遜王
國相王所用張法孔周光熒楊作楫苗進忠山
西都司談震采李魁春設處有方拯救務實匍
匐拮据真已饑已溺之憂安集勞來收集渚集
澤之效宜咨行該部紀錄優叙者也又若鄉紳
而拯同室之焚士民而廛一體之恤卽多寡差

殊而急難則一章服楔棹其又何靳焉內散官
史光前生員任紹統原慕義而樂施詎居奇以
望報但念切痼瘼不惜重貲之割擬行激勸惟
有好爵之糜查史光前先兩次輸粟一千一百
石業經題請奉

旨建坊給七品散官矣今又輸粟六百石是合筭一
千七百石若除已酬賞過者其實止六百石驟
授以

武英殿中書似覺稍濫若仍律以事例之定額使

一一補足又孤其倡義之心而負其從前之責也此中宜稍示通融彼如願授中書再加銀五六百兩卽與實授如不願就職便遥授以清華之秩以示寵榮可也生員任紹統輸粟五百二十石值銀伍百二十兩固與外府經歷事例合第准作實納似亦應爲繁縷之惜合無實與以胄監如願出仕俟就銓時少示優異可耳義民李孟龍等擁素封而棄射利誰其禁之乃捐私藏而博施濟人有足多者隣里旣沾其實惠

朝廷何愛此虛名相應給

賜冠帶使誇耀間里以爲後來之招也伏乞
勅下臣部咨行彼處撫按遵照施行

崇禎三年正月三十日具

題二月初四日奉

聖旨依議行欽此

覆晉撫因天地自然之利疏

題爲其次莫如因天地自然之利事山西清吏司

案呈崇禎二年十月初四日奉本部送戶科抄

出山西巡撫耿如杞題前事內稱主名額餉既

取足於各項之裁省不復仰給於戶部亦庶幾

轉不足而爲足矣臣猶以爲非恒足也必恒足

而後可以言足又必有餘焉而後可以言恒足

寧武西山林木名爲阻虜禁林召商販賣而取

取其稅晉之鐵礦隨在而是宜并頒之

開冶卽數十斤取其一斤猶爲有益又
鉛少故耳晉山多鉛設法採煉不勞遠市他
而省餉亦復不貲錢法壅滯銅旣間有穴臣又
查出三關廢銅萬餘斤近雖奉

旨各省錢局已停然督臣疏

請已荷

俞允雲撫亦大開鑄局山西何憚而不爲若夫舉世
諱言銀礦夏縣繁峙諸礦日恣羣盜之竊取而
國家不得其毫釐夫敲骨吸髓而爭之粥粥小民

者非此物耶此數者皆天地自然之利臣嘗屈指計之歲可得十餘萬金惟在以士人領之故臣尤以任人爲要

皇上如以臣言不謬破常調而斥浮說

勅令舉行不惟補民運之欠餘閏月之糧直抵客兵之額餉可也伏乞

聖明裁擇施行等因崇禎二年九月二十九日奉

聖旨足餉務期經久該省民運多逋及閏月軍糧計畫自宜周到但謹始慮終倍當審慎奏內禁林銀

礦姑徐議鉛鐵鑄錢等事卽與履行該部知道
此欽遵抄出到部送司案呈到部該臣等看得
禁林繇來已久一採鬻恐或開童赭之端銀礦
號爲秘藏苟開鑿不止鑠山川之氣誠如

明旨所云不可輕議者至于鉛鐵原軍需要務在令
日更然眉急須與其多方購索而苦于數窮何
如因其自生而取之不匱况晉土之產與地同
流往例撥軍開煉建甯房益幫糧固爲得不償
失今議召商採取若數十斤取一斤以覺官少

商多須擇委廉幹有司召商三七分取在商
備工本贏而得七以爲償不爲不厚在官不費
錙銖坐而得三以爲用亦不爲不足公私兩便
亟宜舉行其採獲之數按季造冊

奏報務期實濟至于開局鑄錢苦于本大而料理
無法又病于利微誠使有心計之臣以真心修
實事以砥節塞弊源何妨與宜雲並鑄以從晉
民之便以通京鑄之窮但今雖查有三關廢銅
萬餘斤尚屬有限又稱間有銅穴亦難取效

時伏祈

勅令新撫從長細酌務得措處之方經久之策有裨
于軍

國而無病于商民聽其隨便舉行非臣等所能
度而代畫者也

崇禎三年二月初十日具 題本月十三日奉

聖旨覽奏晉土鉛鐵召商採煉併比例宜大開局鑄
錢法俱可行但須委任得人調度得法有裨軍國
不病商民還着該省撫臣確酌事宜速奏欽此

覆山西耿撫臺以晉餉晉疏

題爲酌議以晉餉晉直抵京運主兵餉額少舒

聖明西顧之憂事山西清吏司案呈奉本部送戶科
抄出山西巡撫耿如杞題前事內稱今天下極
緊要重大豈非邊餉也哉自

國家被奴難加派議興而天地生財止有此數新
餉急則舊餉緩新餉完則舊餉欠太倉歲人之
數不足供歲出之數而水旱災傷又議蠲免海
內無以應戶部戶部無以應九邊此事勢之必

然也年例之起自嘉靖間始彼時邊方多事各鎮增設兵馬偶然權宜後遂以請乞爲年例比鹽法日壞民運日通各邊兵餉遂倚之京運數年來

內府之藏掃地無餘民間十室九空寧容再行剋肉竊謂居今之世而不必仰給于京運者亦惟以晉餉晉而已山西三關主兵原額每歲部發京運十三萬三千三百兩又補發河東運司議減額鹽銀一萬六千兩共十四萬九千三百兩

每歲實用本色米豆十三萬五千八百餘石
色銀四十三萬一千九百餘兩此一定之規模
也歲入本色民屯鹽糧米麥豆六萬九千八百
七十二石零尚少六萬五千九百二十石零折
色民運屯糧鹽課鹽按二臣及臣衙門贓罰等
銀共三十九萬九千五百一十八兩零尚少三
萬二千三百八十二兩零又裁冗員冗役銀一
萬三千九百十三兩零又州縣官柴薪及紙張
工食等項應裁銀二萬八千四百十三兩零及

奉新例嚴禁驛遞裁十之三四議裁六萬餘

又布政司每年報解剩各項銀五千兩共一十

萬七千三百二十六兩零連民運舊額共五十

萬六千八百四十四兩零除歲用銀四十三萬

一千九百一十三兩零尚餘銀七萬四千九百

三十一兩零足以買補所少米豆之數則戶部

應發主兵糧餉一十四萬九千三百之數可以

直抵不必用發矣此一定之款項也惟是客兵

八萬一千三百兩內秋青草價三千二百兩布

政司抵充義兵工食銀五千兩戶部正發銀
萬三千兩此係撫賞馬價互市出塞口糧大
操賞并防冬塘撥官軍延綏入衛官軍行糧
草必需銀兩毫釐不可缺時刻不可緩者戶
部每年止發七萬餘兩該部爲力甚易萬無
再欠之理矣至于疊欠餉銀自萬曆三十九
年至崇禎二年止共計一百四十五萬有奇
今歲解發十五六萬然總補天啓七年十二
月之額崇禎元年至今二十個月缺額何日
補足况領

者係舊軍非老弱則逃故而新應軍者亦多

于二十月之後查點操練則馬瘦軍餓清核扣

除則人亡事遠兵餉之不清而邊備日壞弊正

坐此須盡銷舊欠以見糧給見軍一月有一月

之餉不得以疊欠混支倘慮舊軍嗟怨量于贏

餘時歲發數萬以副其望可耳再照兵道管兵

餉司管餉今既免發京運前項抵補銀便令布

政司解發三邊道轉發管糧廳官按月支給而

餉司專管客兵一項似更直截若主兵錢糧不

清軍烏不實臣立以邊道叅處臣亦無所逃罪
若客兵餉銀解發不前及餉司仍前溺職臣等
亦不能代人任咎矣伏乞

勅下戶兵二部將主兵額餉一十四萬九千三百餘
兩槩行免發止發客兵額餉七萬三千及量補
舊欠若干而三關邊餉永無不足之患矣等因
崇禎二年九月二十七日奉

聖旨邇來邊餉匱絀年例不敷動稱無策這條奏覈
兵措餉款開民運屯鹽班銀贓罰節省等項用抵

主兵額餉請免京運依議載入全書有令永遠
兵歲解疊欠銷補及邊道餉司分省主客等事悉
有裁酌耿如杞籌畫忠猷有裨軍國該部卽與覆
行欽此又該巡按山西監察御史祝徽題同前事
等因崇禎二年十二月初九日奉

聖旨該部知道欽此欽遵通抄到部送司奉此案呈
到部該臣等看得主客額餉皆邊鎮急需固不
宜聽其侵冒以屬屢從旁之谿壑尤不當舉爲
報罷以浮慕節省之虛名要之覈餉以稽其

非絀兵以就餉臣等節奉

明旨原自昭揭去餉之議譚何容易乃晉撫耿如杞直欲以主兵舊有年例輒請盡停該撫念切杼空慮深緯恤此自一段任事熱腸且其搜索抵兌似非無據惟是事關軍情一旦紛更未免令潰兵譁卒借爲口實臣等又何敢尤而效之也茲將四酌議臣部請照舊額仍發年例但該撫按報過積餘節存銀兩查有裁汰京書廩給銀壹百二十三兩四錢裁汰冗官冗役銀除抵充

贍田外實在銀一萬三千九百一十三兩五錢四分五釐此皆鑿鑿可藉充餉者又節省逃亡事故銀六萬六千一百三十二兩六分卽或有招募頂補流動之數便令十得其五亦復不貲諸如此類似不妨扣抵正額耳至于餉司之設奉有

特勅今且屢經申飭責令置立循環砥節自好慮無不奉法惟謹者卽間有敗類

國憲俱在應聽撫按不時糾舉其主客兩餉如與

邊道分省不無一柄兩操似宜仍歸餉司庶幾
權一而不致推諉管理專而稽覈易清矣臣等
未敢擅便伏乞

聖明裁奪

崇禎三年三月二十三日具

題本月二十六日奉

聖旨依議餉司既有專任該部須擇用廉幹仍稽查
循環以清夙弊欽此

酌議戶工事例條定選法規則疏

題爲酌議戶工事例條定選法規則以廣招徠以

裕

國用事

戶部山西清吏司
工部虞衡清吏司

會呈案照先該戶部題

爲遵奉

明旨條議理財足用之策等事等因崇禎三年正月

十九日奉

聖旨這條議六款該部還同該科參酌長便并有未
盡事宜一併商確具奏欽此該工部題爲軍需萬

分難緩等事本年二月初八日奉

聖旨這所請事例着酌議列款具奏定奪軍需緊要一切經費還查正項額解設法嚴催欽此又該戶部題爲遵

旨酌議措餉未盡事宜事等因本年二月十七日奉聖旨南北關稅依議加額還立法嚴飭無令權司借端生擾事例仍與吏部酌議選法速奏工部款項分合并着商妥不必互執南部借過遼餉銀着行補還該衙門知道欽此又該工部題爲軍需萬分

難緩等事本年二月二十五日奉

聖旨這開納事例還與吏戶二部酌定奏行欽此欽
遵臣等戶工二部堂屬各官隨於二月二十八
日會同太子太傳吏部尚書王永光吏科都給
事中陳良訓戶科給事中許世蓋裴君賜葛應
斗工科都給事中顧其仁右給事中顏繼祖巡
視太倉銀庫兵科給事中朱鳴梧監察御史顧
其國巡視廠庫監察御史劉光沛齊集中府維
時諸臣皆謂軍餉與軍需均居其急而戶部舉

工部並值其窮擬議分合未有定論續該工部
題爲軍需事例必不可不開等事本年三月初
三日奉

聖旨軍興事例已有旨着酌議商妥今仍爭執成何
商酌便着二部會議詳確合疏具奏若再爭執卽
以悞事論罪其選法并着吏部條定規則來看欽
此隨該戶工二部移咨吏部催取酌議條款以
便合疏具覆等因續准吏部咨稱戶工二部所
列款內欲去四款增入一款原送冊款下粘貼

浮簑谷送過部再聽斟酌開行等因伏思歸併
開納事例原籍以充九邊之軍餉而師旅方殷
則軍需并急目今援兵四集捷伐用張戶部常
惴惴焉懼有庚癸之呼而器甲城河等項取給
於工部者甚夥所望於援納一事者兩部蓋並
慇矣業蒙

聖明俞允并着二部公議詳確合疏具奏臣等恭
明綸仰體

皇上德意嗣於本月初六日恭遇

皇上御門禮成臣等又復質之輔臣商之冢臣兩
悉心計慮議以輪月會收照數公分僉謂妥便
蓋以事權不並操甘苦不同嘗於事未免滯礙
未能永永行之而無弊也今特訂約入

告凡遇收納事例之日太倉厰庫巡視科道并兩部
管庫司官齊集會收當下均分各得其半如該
戶部月分照舊山西司出帖部堂同事例堂移
咨其銀在事例庫會收工部司官眼同登記倘
有不合例及隱漏銀兩情弊聽巡視太倉及巡

視厰庫衙門糾舉責在戶部如該工部月分卽
聽虞衡司出帖部堂移咨其銀在節慎庫會收
戶部司官眼同登記倘有不合例及隱漏銀兩
情弊聽巡視厰庫及巡視太倉衙門糾舉責在
工部庶彼此互爲關防而事例徹底清楚仍永
絕折納冗支之端至於季終奏繳戶部聽戶部
奉

勅總理事例侍郎具奏工部徑自具奏蓋同舟共濟
兩部正目相關且

與命履頒臣子何敢爭執天下之事乃

朝廷之事宜融人我畛域之見天下之財皆

朝廷之財當爲協恭和衷之圖條款經銓部刪定既

法在可行事例係冢臣注念定倍加鼓舞每月

大選卽不盡用軍興軍需卽選名色而常十得

六七庶人情兢勸而樂爲輸納一切招徠激發

諒不待臣等之贅於以裕財用而襄敵愾在此

舉也謹將吏部刪定新例款項併新增一款統

開寫呈進

御覽伏乞

勅下臣等通行各省直衙門一體欽遵施行

計開

一推陞未任三司首領州同等官加

兩殿中書併京外各官例

推陞未任三司斷事經歷理問都事加

文華殿中書銀一千五百兩加

武英殿中書一千兩加光祿寺署正運副提舉

各六百兩加光祿寺署丞副兵馬各三百

五十兩

監正署永州判衛經歷加

文華殿中書銀二千兩加

武英殿中書一千五百兩加運副提舉各九百

兩

州同加

文華殿中書銀一千五百兩加

武英殿中書一千兩加運副提舉各六百兩

以上俱要行查明白方准送納完日咨送

吏部中書徑題試職准差運副提舉等官

上卯徑選

一

兩殿中書加試職實授并服色例

兩殿中書曾經食糧碩加試職加實授各納銀

五百兩

兩殿中書三年考滿後碩加服色仍在

殿効勞七品加正六品納銀二百兩加正五

品納銀三百兩查明送納完日咨吏部題

授

兩殿中書并各官加銜例

兩殿中書曾經歷俸額加部寺空銜者自正七品起至正五品止從七品加正七品納銀二百兩正七品加正六品納銀四百兩正六品加正五品納銀六百兩如恩歲貢生監儒履歷者查明方准告納咨送吏部照品題覆不准加俸

已選縣丞經歷額加七品空銜納銀三百

兩

已選照磨主簿頭加七品空銜納銀四百
兩如有薦推陞之日照品陞轉不准加俸
一已選光祿寺監事兵馬司吏目加本寺署
丞及副兵馬職銜例

已選光祿寺監事加本寺署丞職銜仍管
監事納銀二百五十兩仍支原官俸糧
已選兵馬司吏目加副兵馬職銜仍管吏
目事納銀二百五十兩仍支原官俸糧

一納運副徑選例

恩歲貢加運副銀一千二百兩准貢加銀

一千三百兩監生加銀一千五百兩

候選運判加運副銀七百兩提舉加銀九

百兩

斷事經歷理問都事州同加運副銀一千

兩監正州判署丞衛經歷加銀一千二百

兩

兩殿見任序班職銜辨事中書舍人繇監儒履

歷者加運副銀八百兩

一納運判徑選例

恩歲貢加運判銀一千兩准貢加銀一千一百兩監生加銀一千二百兩恩歲貢考定州同加運判銀五百兩州判加銀五百五十兩經歷縣丞加銀六百兩主簿加銀七百兩

兩殿見任序班職銜中書繇監儒腹歷加運判銀六百五十兩

一納提舉司正提舉徑選例

恩歲貢考定州同加正提舉銀四百兩州
判加銀五百兩經歷縣丞加銀六百兩主
簿加銀七百兩監生考定各通加銀一百
兩

加納候選京衛加正提舉銀七百兩已選
減銀八十兩

斷事經歷理問都事州同加正提舉銀六
百兩監生州判衛經歷加正提舉銀八百

兩

加納候選州判加正提舉銀七百兩縣丞
加銀九百兩主簿加銀一千兩

兩殿見任序班職銜中書繇監儒履歷改加正
提舉銀七百兩

一納提舉司副提舉徑選例

候選序班加副提舉銀五百五十兩

候選京衛經歷加副提舉銀六百兩已選

減銀八十兩

一加州判徑選例

候選京衛經歷改加州判銀三百兩已選
減銀八十兩

京衛經歷考滿加州判銀二百三十兩外
衛經歷加銀四百兩如六年考滿各減銀
一百兩

已選府照磨知事州吏目加州判銀四百
兩

見任鳴贊序班加州判銀三百兩

已選主簿加州判銀四百兩縣丞加銀二百兩

以上各款俱要查明完納咨送吏部徑選
一准貢之濫觴多繇于白丁之冒濫也今惟
的確廩生方許納貢亦須食糧至十五年
者方准援納每年納銀四十兩照年遞納
至二十五年爲率蓋所納之貢不過還其
故物而有金錢以濟公家之急稍通融以
免淹滯之苦誠兩便也

一見任小京衛各官俸已及期未得啟事
陞某官分欵納銀卽與陞轉在各官免定
候之苦在

朝廷不過還人應得之官人情共快而名器亦復不
濫

光祿寺署丞加外府判銀八百兩運判正
提舉各七百兩州同副提舉各四百兩州
判二百兩

鴻臚寺署丞副兵馬加外府判銀一千兩

運判正提舉各七百兩州同副提舉各五百兩州判三百兩

光祿寺監事京縣縣丞加州同副提舉銀各六百兩運判正提舉各八百兩州判三百兩

京縣主簿加運判正提舉銀各九百兩州同副提舉各七百兩州判四百兩
以上查明完納咨送吏部徑選

一恩歲副榜貢監已經考定并援納各官在

部候選納銀卽選例

恩歲副榜貢生考定外府判納銀五百兩
州同四百兩州判二百五十兩經歷縣丞
各二百兩主簿一百八十兩

援納各官願加者照恩歲貢考定例各遞
加銀一百兩如恩歲貢生監儒方准告納
以上俱要查明考案完狀方准送納完日
咨送吏部卽選

一吏員候選州縣佐貳等官揆選不前願降

納各官卽選例

州判降縣丞納銀二百五十兩降主簿納
銀二百兩降州吏目一百五十兩降典史
一百二十兩

縣丞降主簿納銀二百二十兩降州吏目
一百八十兩降典史一百三十兩

主簿降州吏目納銀一百五十兩降典史
一百三十兩

州吏目降典史納銀一百三十兩

以上行查明白方准送納完日咨送吏部
卽選

一已選未任倉巡驛遞關霸等官及見在點
卯願加府首領縣佐貳卽選例

加外縣縣丞納銀二百五十兩府經歷三
百兩主簿照磨各一百五十兩典史州吏
目各二百兩

加外府州縣稅課等局大使納銀一百五
十兩

一納定京外各官在部候選不前納銀卽選
例

運副提舉各納銀八百兩運判六百兩

監正署丞光祿寺署正副兵馬京府經歷

京縣縣丞提舉鹽運二司經歷知事三司

首領各納銀五百五十兩州判納銀三百

兩

京衛經歷京縣主簿各納銀三百兩外府

首領縣佐貳各納銀二百四十兩

吏目納銀二百兩典史一百五十兩
以上查明完狀送納完日咨送吏部卽察

一

內閣辦事翰林院帶俸經歷光祿寺署丞所正
改各官徑選例

加運判正提舉各納銀八百兩州同六百
兩五城副兵馬州判各五百兩布按二司
經歷布政司正理問各四百兩如係監僑
出身方許准納

以上查明送納完日咨送吏部徑選

一俊秀子弟援納各官例

納外縣縣丞銀八百兩主簿七百兩吏目
六百兩典史四百五十兩

納軍器局并南京草場大使及巡簡外衛
所吏目各納銀二百八十兩

納倉場驛遞河泊閘壩等官各納銀二百
二十兩

以上各款告部取結查明納完咨送吏部

上鄉徑選

一武舉會中鄉試三次許納銀一百二十兩
兵部給劄冠帶送督撫衙門聽用管路中
軍千把總員缺補用鄉試以三次爲率少
一次加銀五十兩少二次加銀一百兩如
止中將材者納銀二百五十兩俱許徑告
起送

先年有監儒

內有勞咨送府判者深不准選今許納改京

外官卽選例

改納光祿寺署丞京府經歷京縣縣丞營繕所所正副兵馬各納銀四百兩運判正提舉各納銀八百兩州同布按二司經歷各納銀四百兩京縣主簿布政司正理問州判各納銀三百兩

以上行文查明方准送納完日咨送吏部卽選

一吏部議增例款

一貢監已經加納運判塩課市舶提舉在部
點卯未經取選者納銀一千五百兩完日
咨送吏部許卽選

覆晉撫酌議瘠疲州縣疏

題爲酌議瘠疲州縣完糧分數以定考成以甦民困事山西清吏司案呈奉本部送戶科抄出山西巡撫都察院右副都御史耿如杞題前事內稱據山西布政司呈蒙臣憲牌照得山西地瘠民貧差繁賦重瘠疲州縣雖遇豐年不能完六七分一遇災稔逃亡立盡若責以九分考成勢必敲朴橫加百姓不堪非逃則死催科稍緩勢必不能如數印官非罰則黜官民兩病合行酌

議將萬曆二十一年先題災疲苛嵐等二十四處并近准戶部咨內所減免過加派垣曲襄垣寧鄉三縣再加酌議仍移行守巡兵備各道將瘠疲難完州縣酌議如某州某縣可完六分七分八分定爲考成則例但不許以沃饒州縣混稱瘠疲該司覆覈妥確呈詳以憑具題蒙此隨經傳行各道轉行各府查議去後節准寧武等道牒咨到司該本司左布政使唐嗣美看得錢糧以地之肥瘠分完欠考成亦當以額之完欠

爲寬嚴如平陸原非瘠疲而四年來完不及四分則豈可目爲膏腴乎榮河萬泉舊災疲也而近且通完垣曲稱難完而近亦完及額今據各道府之所參定再斟酌之除遼餉照數徵解及各易完州縣不論外若太原之崞縣代州苛嵐五臺榆社則定爲八分太原之崞縣代州苛嵐五臺榆社和順平陽之岳陽汾西隰州大寧永和平陸潞之屯留襄垣潞城汾之永寧州澤之沁水則定爲七分太原之靜樂繁峙嵐縣平之蒲縣吉州

鄉寧潞之黎城汾之石樓寧鄉沁州及沁源武鄉則定爲六分相應呈請裁酌等因到臣卷查
先年題

准災疫苛嵐等二十四州縣內有滎河萬泉二處近年完及分數俱不得復入災疫之列今查忻州定襄崞縣代州五臺靜樂繁峙平陸襄垣沁水十州縣舊非災疫俱係土瘠民貧遼州舊係災疫近稍易完榆社和順仍舊皆難與稍腴之地一律併徵爲照山西錢糧原無京運遼餉緊急

亦無容議此外俱係邊王民屯站銀正項考成
之法從來以九分爲率而邊糧尤務通完臣等
方日夜催督恐有司徵輸不前曷敢復爲議減
顧錢糧所以拖欠者正繇分數之難完民旣逃
亡官復降革何如少減分數使百姓聞之皆欣
然有喜色生養休息不數年間將轉災地爲興
區化頑民爲好義豈不善哉伏乞

勅下戶部再加裁酌覆議上

請施行等因崇禎二年五月十六日奉

聖旨該部看議具覆欽此又奉本部送戶部

按山西監察御史祝徽題同前事本年六月三

十三日奉

聖旨戶部知道欽此欽遵通抄到部送司案呈到部
該臣等看得任土作貢則壤分賦自古已然如
國朝會典亦分別腴瘠凡以甦民力而程官方也
三晉表裡山河夙稱沃野而磽确斥鹵亦多不
毛民弗能以不穫之田耐催科則有相率以徙
官弗能以久積之逋抗考成則有接踵而去重

之旱魃爲虐比歲不登官畏其地若陷阱而畏
脫其產若釋負不急一更張之人其無如而
亦受絀此撫按之所爲合詞而請也今議該省
所徵除遼餉緊急務期通完外其餘邊王民屯
站銀等項俱係正供似難輕減卽加體恤亦難
盡徇查舊例之載在

令甲者常完州縣額定十分其次疲則九分以上
上疲則八分以上近因軍興加賦供億繁難又
有次疲八分以上上疲七分以上之例並無減

至六分者合無准予

一功令斟酌折衷如太原之忻州定襄遼州姑以地近疲請定爲限務完九分太原之崞縣代州苛嵐五臺榆社和順平陽之岳陽汾西隰州太寧永和平陸潞之屯留襄垣潞城汾之永寧州澤之沁水請照次疲例限完八分以上太原之靜樂繁峙嵐縣平之蒲縣吉州鄉寧潞之黎城汾之石樓寧鄉沁州及沁源武鄉請照上疲例限完七分以上至于民運邊糧尤宜多完務屬

王民屯站之先庶重累豁而民安樂土宿逋輕
而官易及格也其餘易完州縣仍乞

天語頒宜各項錢糧務完十分始爲足額用補疲瘠
新議減損之數臣部定爲畫一持以考成則又
所以示裒益而通盈虛耳伏候

聖明裁酌申飭施行

崇禎三年四月初三日具

題本月初六日奉

聖旨依議分限催完其餘州縣并通省遼餉着照例

全徵不得妄有觀望該部嚴勅撫按行欽此

覆浙撫題留事例充織造疏

題爲事例歸還臣部欽承

天語傳宣懇乞

勅議畫一之規則督理之專官以便開納以塞弊孔
以重

國用事山西清吏司案呈奉本部送戶科抄出浙
江巡撫陸完學題前事奉

聖旨該部知道欽此欽遵抄出到部送司查得疏稱
該省向有織造之後動經百萬並無額派錢糧

半係題留事例銀兩奏抵今

袍段雖奉停止而借給欠找并未完改段紗綾只
遜見在償織者共需事例每年約四萬共留六
年該二十四萬其他綾紗紙劄先後望給者亦
需二三萬金懇請將浙省援監等項照舊留用
俟改織等項完日例監赴京上納其吏農承差
事例銀兩一併解部等因恭經題奏應否題留
議覆等因呈堂蒙批援監生儒赴京上納此天
下所同也何獨于浙江而疑之今

袍段已經停止而舊欠找給者又將完矣以事例還之內部自是正理卽云五年一派綾紗所費不過萬金豈浙省五年之間搜括不可得萬金乎從前留用已多以後似難再借况稅契抵充新餉者每年四萬亦以織造爲名通未起解恐首藩財賦之區急公憂

國不宜獨後于他人也但疏內有未織改造綾紗等項原欲戶工二部會議卽行移咨查核商確以便題覆奉此案呈到部備咨工部隨准工部

咨稱織造

袍段原無額派錢糧先該本部題爲

袍段缺價無措機匠比織難全伏乞

聖恩俯採留抵末議等事議留戶部事例稅契銀兩

自天啓四年以至十年止卽今崇禎三年扣留

抵織其十一年起卽今崇禎四年仍解戶部等

因奉

聖旨袍價上供急需浙省戶工二部事例稅契銀兩

俱依議扣抵部臣當同切急公毋得互分彼此其

協借蘓松二府錢糧爾部還酌議妥當作速移
該撫按官上緊措辦解監趨織不得推諉稽悞欽
此欽遵通行挨年留用去後今

袍段雖奉停止近據浙江巡撫冊開尚有未織綾
紗改段只遜等項并解過欠給未補銀兩皆需
事例因先次題留湊抵不足今復欲以崇禎二
年爲始議留六年崇禎已未允續留相應准照先
次題留年分留用况明歲年分已足嗣後四年
自應照例起解等因到部該臣等看得臣部事

例之設係軍餉急需先該臣等具題奉

旨事例歸併臣部已經通行省直凡援納監儒俱赴部上納其吏農承差等項銀兩亦按季解部以濟緩急此畫一之通例也今據浙江撫臣疏稱該省織造錢糧半取給于事例且謂

袍段雖停而舊欠裁給并改造綾紗等項所請留者尚歲以數萬計無論虜患倥偬庫藏告匱那借無從卽如天啓四年工臣覆議來年起解猶虞難待而該撫直欲續留六年此必不得之數

也裕餉急公諒有同心不獨臣等之蒿目無算
也伏乞

勅下臣部各行該撫遵照先次題留年分以崇積四
年爲始凡援納監儒并吏農承差等項事例銀
兩按季解部庶

國課邊需均有攸賴矣至于稅契銀四萬兩原以
佐遼餉之不足今虜踞內地撻伐方張供億倍
繁措處無術更當在今歲爲始照數解還臣部
以濟目前之急萬難姑待來年者也

崇禎三年四月初三日具

題本月初六日奉

聖旨是欽此

覆大同張巡撫請那給宗祿疏

題爲宗祿急在然眉鹽價遠難猝至乞

勅該部權宜那給以濟萬分窘迫事山西清吏司案
呈崇禎三年三月二十八日奉本部送戶科抄
出大同巡撫張宗衡題前事本年三月二十七
日奉

聖旨戶部知道欽此欽遵抄出到部送司案查先准
禮部咨該大同巡撫張宗衡題爲諸宗貴陵異
常微臣病軀難任等事奉

聖旨各宗開索祿糧成何禮體着禮部轉行飭該
宗衙不必請告奏內鹽課銀速發濟用該部知道
欽此移會到部隨該移咨都察院轉行兩淮巡
鹽御史及運司速行解發并咨大同巡撫遵照
崇禎三年正月二十六日題奉

欽依卽將原撥淮司扣留積引銀內二萬兩俟該司
解到雲鎮徑給克各宗歲祿一年卽止後不爲
例等因知會去後今復具題前來相應具覆案
呈到部該臣等看得各藩歲祿原有

欽定熱河廳撫按官自爲督催不必內向而問臣等
所繇來者舊矣頃緣代地阻饑撫臣屢爲諸宗

上章請

命臣部祇承

皇上篤親至意量撥准課積引銀二萬兩行令徑解
該撫以充宗祿固已曲體深念爲此額外之舉
而諸藩他日不得援以爲例者也乃該撫復請
臣部預代准司先借二萬與朝發而夕至其所
以爲代宗計者至周悉矣獨是似於臣部猶未

設身設地耳臣部悉索新舊二餉俱爲京餉
兵那用無論不能湊發各鎮卽雲中春季之額
有餘逋焉夫逋在本鎮正抱不及額之懼而顧
能代人元爲宗祿地耶前項鹽課臣等近經行
文淮上限四月內完解卽期會難齊而

明旨有赫其在淮司必有不取故爲稍遲以重因我
諸宗者矣無已則又有一處法焉該鎮年例除
前次給發外臣今又解發銀七萬兩內除四萬
兩作市賞再以二萬兩落放軍餉卽以一萬借

濟饑宗如軍餉不敷臣部再行竭力奏解少
淮司解到前銀該撫自行撥派餉司抵補亦
便計臣所悉心爲代宗謀以附于該撫同舟
誼者止此矣如必欲另爲給發當此軍興浩
庫藏如洗之時勢萬不能措也仰惟麟趾振
其麗不億倘以水旱之不時借口調饑而
皆責辦於臣部臣何所辭於守藏之罪且恐
有應有不應少有異同終未能推廣

聖恩而免其舛望也臣滋懼矣想亦該撫所共
鑒

願共爲我

皇上守畫一之典者也臣等可任闕越待

命之至

崇禎三年四月十三日具

題本月十六日奉

聖旨是欽此